

5778/8211

v.2

460

石城遺稿

錫三訂

可然齋誌

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
JUN 15 1945

答浙江胡太守

別後駒光月因几度停雲落月無不刻；于懷月前
晉省者三投刺者五適文旆榮旋之甲侯蹉跎不遇
抱感于今竊思姪蒙老叔台垂愛情殷分同猶子無
如樗朽之木不堪斧鉞更值顛連景况所遇非人以
致有負盛情汗顏無地即蒙大腹包荒不加遣責姪
又何敢有心作負姪累人哉此中苦况筆難盡宣惟
長者自能鑒之昨聞行旌過潤不暇停帆姪延頸江

頭執簪已七八日矣老叔台何惜乎此片席之謀不
使唐園茅塞一開尊耳比來瑞凝卓午鼎業昌辰定
慰下懷遠祝也榴花照眼相見有期再當負荆請罪
先肅寸稟恭請 年禧

與江甯邑長陸公

老公祖大人閣下隔別威儀恒欽雅範平素慕簡情
殷幸慰瞻韓之愿惜乎見公遲而別早未能報執鞭
左右常領春風抱歉之私雲龍奚似敬維咸宜百吉

福祉昌辰翹企鴻猷曷深燕忻晚風塵寥落蹙天
涯片席之謀久而未遂前承加惠西江再賜華札使
游周君之門無如翼翁靈濟：人才不能仰附驥尾
臨行送別贈以番蚨再轉復一書代呈電鑒肅此

致邵星垣居停

老叔台大人閣下雨月未會孺慕殊殷月前在省驚
聞 令堂太伯母倏嬰曰恙遽赴仙遊輾轉再三殊
深感悼竊思尊叔台孝思純篤必以乍違色養哀痛

異常但是太伯母音容雖渺遺範猶存雖未壽高期
願業已厯至耄耋且復含飴可樂蘭玉盈庭此時撒
手人間逍遙天上諒冥冥之陰靈斷無遺感惟祈老
叔台節哀順變敬將大事是所至禱
晚因人成事跡
阻京江未護親隨執紼之班效徐生一束之獻甚悵
悵耳所有前託德興一事迄今節屆端陽望結賬之
時先將子金照扣即遞含下為感肅此佈唁恭請
禮安

答朱秀廷

仁兄大人閣下弟荒疎已久抱歉良多雖蒙閣下垂
青逾外斷難辭其責也日前在面設滙欸一事既荷
金諾故今交政大信局寄下滙票一帑計此寶銀三
千兩整至祈代為收入弟冊此票一到望驗照俟收
到後即速賜一玉音此信望寄至鎮江大馬路交公
太順土棧轉遞弟處可也仍祈閣下予他處萬勿提
起至囑

與如皋縣令

久隔慈暉常懷風雅際此梅開庾嶺正起兩地之思
楓落吳江更添一番離緒對此景况能無感慨係之
矣恭維西亭老公祖大人福履增綏勛猷丕振量
浮皓月允得一郡之歡聲遠佈仁風定邀九霄之寵
渥引簷戡宇曷既丹枕晚才同蒲葦片善莫陳惟幸
公事平順聊堪告慰錦注耳茲者刻有敝友李小翁委
任石庄分司故託代陳左右且小翁素有慕蘭之誠

未得瞻韓之愿故用片楮荒園為蘇秦之舌仰求加
意栽培垂青逾外幸甚幸甚今年乃逢大計之期此
事歸晚處承辦公祖如有保薦等事可速飛示無不
竭力效勞以報台命所需阿堵計規自有陳章保薦
內費定當格外從公決不食語專此稟寸敬請

與謝美軒幕府

秦淮送別菴渡分襟轉盼之間月已三易當此吳江
楓落更增離別之懷庾嶺梅新几許相思之意曾記

握手言歡之樂恍在目前蒙公過愛之情深沾肺腑
惜乎相見遲而別離早不能盡洗枯腸已去其垢甚
悵、耳前兩上牒書皆未見復想已途次蹉跎未陳
於案或為殷浩之投作復瓶之物此中道理實難解
矣閣下乃慷慨之士決不作鄙吝之人使盼望者眼
欲穿也想區、之事偶而忘懷耳無如敝車停催促再
三及問起居弟實無言可答皆云玉趾將臨迄今數
月殘臘將末若再瓜期緩待實難辭矣閣下久歷經

營深知苦况亦毋庸細瀆也諺云臨飲水而瘦勿食
言而肥即希擲下為感再筠翁事蒙公引道感激
甚深奈伊索性踈怠至今尾欠十餘金倘然置之度
外此事亦係畫虎不成反受其累矣詩曰客地淒
皇蜀道難海潮聲聽最悲傷欲因反棹無資斧途使
南柯夢裡還

致邵星垣居停

老叔台大人閣下侍右月別前後孺慕殊殷切念天各

一方能無蕪葭之思哉近維杖履攸攸吉人霽：仰
望餘光無一日不對雲天而頌禱也晚跡阻馬州偏
居海角惟是向蒙闕愛情深迄今銘心若篆相邇未
仁叔與諸君盤桓優游應時而樂自有一番佳話也
茲者前託德興一事屈指已屆中秋望祈在尊賬如
數扣清或不能殼即除一半可也前立票字候示下
自當由妥處寄上另開細賬呈閱種：勞神容後面
謝專此

與程瑞蓀

我兄大人閣下久缺魚鴻殊深企慕際此金風朔地
正離人蕪葭之秋玉鏡當天適遊子淒惶之境遙想
清樽猷彩鼎業輝宏翹盼鴻猷允堪燕祝弟就食馬
洲依人壓戶自慚襪線之才有負高誼囑望雖有片
席之安不過糊口之計月前晉省者三一言未叙滿
腔心緒附于東流承委令弟翰兄之事實是効勞不
週聊為將就敷衍此中委曲諒明者早洞悉矣他日

相逢再當分割前蒙金諾望注于中他年急難相投
希勿白眼而待也幸甚感激今特抄呈細賬一帙即
祈核閱為禱

復江都縣令

春軒仁兄大人閣下別來五日念切三秋憶昨在署
蒙明公開公孫之閣亦延之下陳蕃之榻以待之此
景此情沒齒難忘適纔正欲裁雲致謝忽睹飛鴻留
下華章如親色笑所承下問情殷實同恩深河漢敢
不急宜推挽以仰副明公愛人以德之心也刻下柰
李某過江未反已着催促一二日准其回省自有定
見仍祈稍緩其期則感激不盡明候日飛函再稟特
肅草復

與李爵卿

仁兄大人閣下月前別後忽三數旬屢欲浪投尺素
恨處海角偏隅人跡稀少雖有滿腔熱血誰能洗其
勞瘡耳且傳聞法軍甚急江陰戰船已屯十餘支弟

處亦係咽喉緊要之所眠不安席奈何。想省中可
驚惶否閣下平安否念：如有風便希錫教行為禱
肅此

湯厚之

仁兄大人閣下得月話別後依：不能捨足見與仁
者言如露芝蘭之室大添一番經濟也回憶此景尤
似依然在目正是何時一尊酒再與叙論文之句耳
當此情形能無感慨想閣下撫時而樂偕諸君而

朝夕盤桓入則問安侍寢用伸哺之私一室團圞浴
浴之樂無窮可羨可賀著馬州寄跡自慚學業未成
自西阻東竊恨徒勞何補然彼此攸關手足諒不致
為哂耳如有風便復惠德音感為肅此寸菴

答李瑞卿

仁兄大人閣下金陵荷亭避暑嚼茗言歡聯袂一番
而陽關三疊驪歌遠唱促我行旌秋水蒹葭之思未
嘗不時時在念想近日秋光入眼霜葉紅飛當此情

懷定增几多清興每欲託筆數行惜乎雙鯉不至昨
正挑灯默坐勿聞鴻雁南來聊折一枝以繫其足藉
稔大業增輝優布政為頌弟萍踪海角浪跡天
涯惟以鷄助糜人擾難割棄月前賤眷北上白米紅
鹽又費一番籌畫如斯景况不堪為知己者告耳舍姪
某二諸蒙關愛教誨逾常曷深感激二姪學業一舉
仍希加意栽培玉成其事俾得鷗鳥有枝皆出于大
君子之厚德也如有機會即請作主或者賜我一音

第 即回省辦理所委 令兄館事徐徐圖之刻下敝居停

親友甚多兼之外薦亦復不少且讓其鋒再為計耳
謀令兄特達之才自應高車駟馬豈能久藏于筐哉
設令推轂有緣緣則曹邱一席不敢辭耳專此佈達
即請 升安

致翁瑞蓀

仁兄大人閣下久疎通候抱歉殊深際此庚嶺梅新
聊藉一枝寄之敬維 大業輝宏鼎躬衍慶引詹香

采昌勝深藻旦弟命多顛覆鳩拙徒勞四月間承委
令弟翰兄之事小有周折幸可將就敷衍此中委曲
諒明者早洞悉矣六月就館清江九月初忽冒風寒
幾乎不起延至于今尚未如常雖啟居傳始終照拂未
免執事者不無疑忌弟今冬未便遠遊大約未春造
戶細領雅聲望祈加意留心代覓一枝之託則幸甚
矣今寄草賬一帑即希鑒核如有風便請賜數行肅
此寸草藉請 大安

筵開東閣謹肅荒函仰承 綺注之殷彌切蕪懷之
繫旅稔 鎮亭舊丈大人迓福凝祥迎春咸吉引睇
鴻猷曷深燕祝 晚纔聽臘鼓虛糜鳳簪簪頻更倏看
春鐙自愧駒光空負回憶去冬造府過蒙關愛盛情
飽飫郇厨屢醉瑾醴銘心若篆留齒尤芬他日相逢
再當泥謝刻下賦閒梓里未識機遇何期沛顛情形
何堪筆叙承代套料照價轉售他人俟稍光裕即行
歸趙推念親誼仍希垂鑒

致李瑞卿

寸丹遙繫尺素謹通當此珠斗回陽春風拂面欣逢
椒盤獻瑞向日傾心敬維

大兄大人迓福凝祥隨時篤祐翹詹紫宇曷既丹忱

弟鳳管虛糜駒光易逝自愧襪線才深慚斃瓜之繫去臘

諸承惠愛迄今留齒尤芬盤桓旬日勝讀十年書前
蒙金諾再三足使回腸九曲徐恩閣下莫明練達學

識深淵區：心旌早存洞鑒然弟望梅止渴萬難畫

餅充飢倘有機緣祈為引薦得能鶴鳥有枝斷不忘
大君子之厚德也

答馮萃亭軍門

前以尺書上達計蒙早遞三台駒光易度寒暑幾更

當此桃符獻樽玉瑄回陽無恨心旌恒欽露冕恭維

老軍門大人望重西州恩濃北闕効伏波定制之勞

功蓋寰宇諸葛平蠻之德勛績華夷仰睇雲霓允孚

下祝遠離道左未遂騶前自慚蒲柳之姿難受風霜

之苦每一思之未嘗不痛心瘡首汗背沾衣伏維
大人心懸皓月洞察秋毫定能知己之難深加原宥
感激幸甚敬稟者前有陳二之子某于去歲三月
間泛海來廡啟投陳仇叔之所後因同伴歸來始知
仇叔不立伊母聞此慘音心膽俱碎仍不知伊子投
于何處及至七月間方接來信知其蒙恩收留得使
子遊有倚不致沿門託辭活命之恩寔深再造伊母
終日焚香憑天祝告願大人壽同嶽峙百五書香

仰求格外栽培鴻施萬一或吹薦他方或早令歸計
總望大人鼎力成全也如刺下不在府上亦祈着
彼回來倘若有事羈絆則速寫信未免伊母朝夕
血淚不干伊因問津無門故託尊處轉為請焉不揣
冒昧統希垂鑒

李鑑泉都督

敬稟者晚遠離道左未遂驕前當此鴻鈞乍轉鳳籥

頻更恭維某二大都督大人節鉞飛聲鼎首介福展

濟世之宏才功成細柳權匡時之善政望重杭城仰
盼旌旂奚如九頌晚數年困守寸進毫無雖王粲有
倚聊將糊口范叔之貧不堪言狀惟日祝大人移
節江南則晚將左手執鞭右手提壺侍候旂秣陵江
上耳幸甚今有舍親要稟祈附府報轉寄為感

寄曾相榮宅相

數載不通音信仰首惟盼雲天自嘆人分兩地相去
數千里夢寐之間如常相聚聚回憶昔年握手已隔

七八年遙想文旂日進早採泮水之芹崇識優隆定
折蟾宮之桂他日頭角崢嶸亦可再睹餘光是所切

禱愚依然故我兩袖清風惟馬齒稍增几歲自二舊

逝後兩肩更覺重矣此等情形寔委於命徒嘆奈何

愚近年來仍在祥豐西號生理支拙雖屬不敷庶免

束手之嘆表弟公亦係綢業營生親事尚無餘力大

舅母亦皆同居苦守徒混光陰而已紙短言長筆難

盡述如有會期再當剖叙令兄公望代問安有便可

寄數行足慰離懷耳

再上書於

瑞翁仁兄大人閣下竊聖人之所以教人者仁義為
重人之所以立命者忠信為先此固理之當然也智
者始也也夫兄之于弟也萍水相逢一語便稱也己
定以忘年之好委以跋涉之勞雖約三奉亦尤欽心
足下磊落雄才出言金石決不負弟區區之意也然
斯時弟却亦不諂而求乞彼此得意場中誰料及

此去哉因病解館賦閒半載冬間將滬諸承雅愛殷
殷盛情款款聚談一室如坐春風然春風雖好未足
解我嚴寒身之解纜又餽盤殊殮感戴莫可鳴焉徐
思閣下相待之誠過于朋友弟之所求亦非謬託
何已分襟數月隻字杳通謹奉賀年蕪箋又未見復
此中詳細尤因公冗勿遑或以弟不足教而深絕之
耶弟所以屢瀆者不過一枝之寄耳非敢他望閣
下何惜此片席之言不使脫穎而出寔延頸而待望

勿毀前言為幸如蒙推愛不論事之大小惟量才而
錄用

去臘夙之賦別倏忽之數月矣每念雅愛之深無不
銘心鏤骨且閣下不以庸劣而教更以心腹之推
此等情豪實出望外概由三生前訂之不然也何異然弟雖
迂諒閣閣下有是想此轉水誠寔之心瘦君子之
腹耳却有怪者前于元月望後州寄一函計早荷披
閱未蒙見復心甚惆悵想為殷浩之投或者公冗勿

遑無暇及此然弟非靈應俗故片帑飛鴻因涸轍之
魚將藉吾兄舌以為水耳延頸以待

廣西提督軍門

翠亭軍門大人麾下十載睽違萬里想思雖有魚雁
傳音究未常親色笑每一念之殊深依念昨閱申報
欣悉大軍連捷萬姓歡心足徵老將深心另自
加人一等從從此動垂帛竹威振華夷興武侯平蠻之
功同一罔極使天下蒼生均沐德澤豈止一人者矣

弟數年舛逆莫可宣言自二先兄不在後寡孤兒嗷
待哺白米紅鹽更增籌畫幸閣室清平聊堪上慰耳
茲特懇者現有某先兄舊友某者係江甯秀才也
因丁艱在籍故奮志軍營每慕麾下無相投是以故
託再三家嫂囑筆作書代為請求務懇推親戚之誼念
遊子之意賞恩收錄逾外垂青若論涉手等事得與倘有授益矣望敢世望且否止白鴻施不揣冒昧用敢瀆陳
肅此才寸稟敬請 勛安 再懇者家嫂青年誓志已
經十餘年長子梅現年十九歲次子樺年十七歲均已

棄書後就綢業仰祈 大人雅念先兄等經營半生
辛苦一場祇落得此点收成且寡嫂等清身守節毫
不能稍博顯揚更以將來衣食甚屬難艱惟求格外賞
恩施保舉案內多則一行寔為萬幸可否出自 鴻
施存没感激肅附單片 計開三代

曾相榮宅相

某賢甥青覽別後韶光追憶長于茶肆促膝言歡
寤寐之間恍然在目未識瓜期何日一踐前言寔為

欣幸昨在府上兩閱來信知客地平安為慰但令郎
毛病刻下尚未復元因病服藥太多有傷正氣想府
報中定已詳細矣余三月間始有棲止稍有薄俸數
千亦難敷一家之計然迫于艱難時勢不得不捨己
從人近日省中市面壞極各行冷暖兼之大患太多
風聞放火偷搶者不知凡許此等情形令人駭異怕
米價昂高想我等家計日重生齒日繁若不早作良規
難免束手之歎望你留心事業謹守格言勿因地而

歡其性勿因事而移其情至囑至望

賀朱湘履任

即送

行旌瞬經匝月仰企

仁暉時殷孺慕恭維

玉年老伯大人政祉延鴻

升祺適駿以文章為經濟

花滿河陽資韜畧而宣猷

與李功甫

姻兄大人閣下濶別
芝顏瞬經廿載渴慕之私與
時俱集祇以雲泥分隔音旅多疎昨令弟咸一姊
夫未甯詢悉

起居佳勝欣慰曷亟辰維
政祉延鴻升祺適駿引
瞻藹采忭頌良殷弟自癸酉南旋棄書習賈雖一

枝可棲而菽水難謀於戊子夏間就孔明府之聘勸
办如臯釐務到館甫經一載東君即歸道山旋就凌
觀察齋務之館因遭大故旋里仍理舊業辛卯春初
徐姓邀办布號時值饑饉之年生意寥々賓東未能
水乳未春意欲閉歇依人作嫁徒勞無補古句云一
事無成兩鬢髮絲可為弟咏矣然而家貧親老食口
日多處斯窘境將有虧累日深之虞擬即絕割而
馳又無昂首長鳴之地此間舊雨已如星晨因思夙

蒙

青睞是以不揣冒昧專函奉懇敢祈

逾格闕垂

俯賜援手則感戴

盛德不啻盤山三丈矣專此敬請

升安惟希

雅照不宣 附呈紈扇一柄箋紙兩匣匣封

莞細為荷

敬稟者竊卑職久違 塵訓節屆蟾圓遙仰 鴻儀

益深塏慕恭維 大人寅衷亮績 酉瑄延釐熊轡

彩映犀華惠澤則露珠並潤 豸繡輝含兔魄澄懷

則月鏡同懸 興永南樓奏羽衣之一曲 恩濃北

闕荷心簡之十行 秩晉柏臺頌孳藿悵卑職真州

忝任鳩拙難藏佳節逢秋鷄濡自凜對霜葭而結念

徒深河朔之思望 雲樹以興懷不盡縈馳之慕肅

丹恭叩 節禧虔請 鈞安伏乞 垂鑒卑職謹稟

敬稟者竊職員劉某久依仁宇風被澤施鳧趨
時切夫寅丹蟻慕難宣夫子墨辰維大人福如夏
大祉比春濃翹企駿績幸洽驩騰緣職父歷任
因公賠累身後蕭條一貧如洗非托空言兼有公私
首尾理宜里早為安置而遊子他邦乏人顧盼鄉闕
遙遠家口繫殷饗殮幾於不繼情何以堪前者各憲
承囑職員等如有人得補銅山縣缺彼即飲助二三
千金以作川費引襯回籍俾得骨肉團聚故園銘泐

五内伏乞大人恩出格外垂憐寒素便中代為
嚙植得以早日起程不致流落異鄉存歿均感言念
及此能不怒焉如搗不揣冒昧肅修蕪稟恭請勛
安伏乞鑒垂職員某謹稟

大人鈞座敬稟者竊卑府近違慈範時切孺忱敬維
身華篤祐燕譽增祥即晉真除允孚下悃卑局邇日
收數平平承薦之石君善華初到局時似尚安靜
前派錢房後亦襄理賬房前月辦賬房之胡某解餉

晉省渠經營數日即虧本洋壹百元本不欲明之憲
台恐生煩惱而渠一位味荒唐懵懂欲就此算事以
卑府受 恩最深本不在此但公款絲毫為重局中
友人若皆尤而效之將來各款事即不能辦特此縷
稟敬請 鈞安伏維垂鑒 卑府某謹稟

敬稟者竊奉憲札以 卑職 上年辦理粥廠詳准給予酌
委一次等因祇奉之餘莫名感激敬惟大人勛祉延
釐 政祺萃祐籌宣而不煥經綸熙春豫頌支策而

翼扶景運 緼縻 寵頒指擢金章心傾丹頌 卑職
前辦粥廠深愧樗材不過小效微勤敢冀渥邀優獎
廼蒙憲恩下逮栽植逾恒清夜自維彌深慚愧所有
感激下忱理合肅稟敬謝 鴻慈以申鰲戴專肅寸
丹恭請 勛安伏乞 垂鑒 卑職 謹稟

敬稟者竊 卑職 睽違 桀範夢轂時縈景仰 棹暉
心旌倍結頃閱金陵省鈔恭諭 大人勤宣釐務
明察毫芒廣裕餉源奠 皇圖而永固渥邀 綸

獎獎膺

帝簡而真除即晉相壹芒允符荼牘卑職

蘇垣需次粟陸如恒撫駒隙之虛馳閒居又賦望

鴻儀而遠隔依戀莫名肅泐稟函恭叩 大喜敬請

鈞安伏祈 垂鑒卑職某謹稟

敬稟者春初叩謁 新禧渥聆 慈訓私衷感激刻

楮莫名恭維 大人鼎第鴻延 勛華駿樹引詹台

斗昂罄頌忱卑職叩辭後前赴蘇垣一次於二月十

四日始行回署途次已接交卸之信遵即清釐一切

以便交代惟錢漕兩項舊值歉歲冬間又冰凍過久

收欠太多刻下交卸在即書差疲玩更甚節次追比

呼應不靈尚欠萬串有零張羅墊解之款無從籌還

時殷焦灼劉令到任迄無定期傳聞有本月十四五

月初一日之說一俟交卸回省即行趨叩 崇階祇

求栽培藉伸報效專肅寸稟虔請 鈞安伏惟 慈

鑒卑職謹稟

猥

敬稟者竊卑職猥以駑質仰隸 仁帡捧檄以來乍

逾白日搢衣之念彌切孺私茲際輝映庚躔律調酉
恭維大人星履迎祥月恒介祉蓋謨丕著以百
姓之心為心第祿永康後天下之樂而樂荷紫宸之
篤眷星朗台垣協黎庶之臚歡風行比戶鈴轅翹跂
鬻舞彌殷卑職自愧樗材忝膺墨綬叩睽鈞範方眷
戀而靡涯紉佩箴言願遵循而弗失茲已行抵臯邑
謹於八月朔日接印任事讀書讀律常慮牆面之譏
矢慎矢勤用勵冰心之抱惟有竭其馳驅之力冀稍

酬乎鞭策之恩仰台座以瞻依瓊瓊樓在望勉
初基之樹立小草傾心蕭薰丹稟叩賀秋禧恭請
崇安伏惟垂鑒卑職謹稟

敬再稟者卑職奉文到任自入境以來沿途察看民
情尚福安謐各鄉田禾亦漸次登場查自二十九三
十日兩次得雨約計二寸有餘雖未一律深透然值
茲天氣新涼又當亢久以後幸獲甘雨蘇培飛蝗均
漸消戢鄉農藉然以安定除仍俟分赴各鄉督諭農

民隨地隨時留心察勘如勘有遺子痕跡仍即趕緊
搜挖以期餘孽弗留外知關 憲屢合肅稟陳再叩
鈞安某謹稟^又

敬稟者竊 卑職 本無違白謬荷 垂青墨經從公仗
逢人之說項素心誌感實罄竹以難書敬維 大人
恩同夏屋 照朗秋陽口碑已滿於金陵 心簡定
邀夫 楓陞望風趨翹首積日傾心 卑職 稟辭後當
即登舟解纜閱七日而達袁江就陸捨舟適值大雨

時行沿途節節涉水繞道前進至七月初九甫抵徐
州比即投遞 鈞函翌晨謁見退憲渥蒙畧分優待
廿八日奉委海州釐捐承諭迅速赴差詰朝一面脂
謝委一面脂車就道復由路浦泛棹本月初六日馳
抵海州十一日接辦局務查該局連三分卡歲收捐
錢旺年不過萬千月支薪水委員三十六千幫辦二
十四千司事六千字識四千八百丁勇三千六百並
不另給飯飯食開支勉敷局用收捐亦乏銀洋惟於

加收二成經費內提一成以為津貼辦公犒賞司役
之資卑職平心而論委員潔已奉公通盤核計大約
歲入不上千緡養家應世均出其中而該局財名之
大向為徐屬意首屈一指真正令人不解茲蒙 退
憲推誠相與諄諄以整頓屬意積習已深究竟能否
挽回殊無把握卑職謹當實心實力矢慎矢勤嚴督
司役認真經理涓滴歸公以期無負知遇並副 大
人隨地栽培之厚意至若舞弊營私隱肥囊橐抑或

恣情括搜取怨商民卑職嚮不用作孽之錢想已久
邀 洞鑒前悉退憲過節即行晉省壹是當必面談
尚乞 晤謝之時并達卑職受寵若驚時懼難圖報
稱為禱夏間 憲太太福侔違和天相吉人諒必早
占無勿為闕山遠隔稟問久稽因眼花不能恭楷茲
者繕寫有人謹將感謝下忱肅稟敬請 鈞安 垂

鑒卑職謹稟

敬稟者竊卑職久被

光風喜叨蠅附仰瞻

御月

時結蟻忱恭惟 大人德隆夏屋即照秋陽襟懷指
浩月以同輝 階崇台宿愷澤並長江而流遠彩徹
雲衢 湛露涵濡沐殊恩於 北闕 天香郁舒逸
興於南樓值此百福祥開楹察吏安民之績行見
九重 寵渥歷相臺薇省之崇望重分符彌敷鋪藻
卑職權篆海陵昀逢桂序觀清光於五夜益切樓臺
近水之思瞻 吉曜於三宵載賡雲漢為章之句肅
丹恭敬節禧敬請 勛安卑職謹稟

敬稟者竊卑職幸依仁宇屢荷 恩培際茲月滿瓊樓
得月而樓高百尺欣聽風清銀漢歌風而漢遠三秋
恭維 大人西瑤延鴻辰猷裕燕宣且民之善政
恩膏普被於白門今愛物之仁心 湛露更濃於
丹陛疊膺芝簡連晉柏薇察采騰歡閭閻頌洽卑職
一隅匏繫頻敷露湖之私五內葵傾謹上月之恆頌
恭申蟻慕上祝鴻禧虔請鈞安卑職某謹稟
敬稟者竊卑職睽隔 鴻儀疊更寒暑祇以闕河間

阻魚雁鮮通而依戀之忱無時不神馳 座右也恭
維 少若公祖大人 景第燕申 勛華冠丙鳳律
引風聲之樹天復見心笏章增露冕之榮春行有脚
恩承醺醪拜 芝綽之遙頌秩晉相薇叶喬柯而誌
喜鈴轅頰首饗鼓傾心 卑職 於十月下旬奉檄兼攝
廣豐縣事蘭蘭絲初試蚊負滋慙驛路梅花莫遂息
趨之願鴉塗蕪簡謹伸燕賀之私肅熏寸丹恭叩年
禧虔請鈞安伏乞慈鑒 卑職謹稟

敬稟者竊卑職睽隔 鴻儀疊更寒暑祇以關河間
阻魚雁鮮通而依戀之忱無時不神馳 座右也恭
維 少若大公祖大人簪纓世胄 黼紱聲華本節
鉞之家傳 恩來 天上仰圭璋之國器福滿人間
行看薇柏連陞即卜牙旂並建卿雲在望向日彌殷
卑職自水甯卸篆旋入讞局當差雖迭平重獄而知
識淺鮮冰惕倍兢加以薪水無多賠累滋甚尚乞俯
念譜末錫以智珠曷勝感禱並茲有懇者江甯候補

知縣查大令宗仁現奉使未川詢悉 大人公忠為
懷體憐僚屬該令上年隨同 汪小潭太守蒞任成
都與 卑職同在府署共事最久交稱莫逆深知其人
謹慎安詳任事實心今需次江甯幸依 字下惟是
人才濟濟差委兩難該令家本寒素何堪賦閒用敢
不揣冒昧代求 仁慈賞給差使俾獲及時自効必
能竭盡愚誠不負委任豈獨該令仰戴生成即 卑職
亦感同身受矣瑣瀆威尊惶悚奚似祇肅丹柬虔叩

勛安伏祈

敬稟者竊 卑職久闕鈞顏時深蝘慕翹詹 仁字倏
肇龍躔恭維 大人景第燕申 勛華彪丙鳳律引
風聲之樹天復見心牙章增露冕之榮春行有脚
恩承醴醑拜 芝綉之遙頌袂晉柏薇叶喬柯而誌
喜鈴轅頌首襲鼓傾心 卑職於十月下旬奉檄兼攝
廣豐縣事繭絲初試蚊負滋慙驛路梅花莫遠鳧過
之願鴉塗蕪簡謹伸燕賀之私肅熏寸丹恭叩年禧

虔請鈞安伏乞慈鑒卑職謹稟

敬稟者竊卑職去冬晉省願遂瞻依屢承 溫諭優

加並荷郵香寵錫私衷銘感楮墨難宣辰下恭維

大人景福駢蕃崇勛炳蔚遙覘瑞藹曷罄頌芬卑職

叩辭後冒雪起程不期次晨河凍舟膠朝朝株守迨

臘八日始獲開至下關沿途復為風雪堅冰所阻節

節濡滯直至廿八日甫達袁浦除夕趕抵武障河卑

職分局度歲新年就近巡閱各卡祇於初五日回局

查該處寒信較早十月下旬海口已冰海船不通者

七十餘日實為近年所罕見卑局捐數因之銳減十

月比較即大為見絀以致 沈道憲疑有弊端批示

認真整頓札飭比較加嚴捧讀之餘莫名惶悚卑職

除將冬令收數短絀緣由據即於銷假稟內據實直

陳外惟有盡心盡力腳踏實地嚴督司役永矢清勤

以期期涓滴歸公捐務起色藉酬知遇之恩而副

栽培之望日事孜孜第獻歲以來海澨河澗雖經

陸續解凍而武障蓄水一壩分明司猶未興築鹽河
枯涸舟楫尚難通行迄今收捐寥寥隱憂實甚所幸
去臘海屬得雪數次祥霽普被一律深露霑歲事可
兆豐盈蝗蝻應無餘孽藉可告慰 憲履謹肅蕪稟
敬請福安伏祈垂鑒卑職謹稟

敬稟者竊卑職遠違 塵誨莫遂鳧邇近撫駒光倏
臨蟾序茲際香霏玉宇欣看瑞集鈴軒伏維 大人
清襟襲月亮節輝秋藻鑑九流證圓靈於水鏡輝香

四達測晷度於銀河譜絃管而諧聲風騫豸服喜金
颺之秩序日麗麟廳翹首卿輝傾心孺慕卑職責慙
蚊負跡類蛩吟莫揮祖述之鞭撫分陰而虛度媿遜
枚乘之筆修寸簡以紓誠肅稟恭叩節禧敬請勛安
伏乞慈鑒卑職謹稟

敬稟者竊卑職遠托檇輝時殷葵向際槐階之瑞輯
正桂苑之光圓恭維 大人禧凝星履祐篤月恒秉
節麟廳金鑑媿千秋之錄運籌虎幄玉壺藏一片之

章翔珠彩於三臺懸冰心於六察此夕雲開弦管即
時露湛絲綸第祿斯增藻愉昌既卑職桂序欣
逢芳辰虛擲睹清光於五夜益切樓臺近水之思瞻
吉曜於三宵載賡雲漢為章之句肅稟恭叩節禧敬
請勛安卑職某謹稟

敬稟者竊卑職久違霽月思與雲深遙溯慈暉恩
同露湛適值小山桂放遠水葭蒼恭維大人績亮
寅衷禧延酉瑄南樓興永好當風月清談北闕恩濃

定荷絲綸疊昇俯視閭閻撲地萬家待霖雨之施
仰看鎖鑰分畝一旦妙風霜之用升階協吉比戶臚歡
卑職筦權崇川自愧青萍器短持籌閱歲又逢黃葉
村飛肅修丹稟敬叩節釐祇請勛安伏祈垂鑒卑職
謹稟

敬稟者竊卑職接奉鈞函敬聆種切引詹棠蔭時
切葵傾恭維大人績赫日宣成政冬愛宏解推於
寒歲澤普敷鴻荷寵錫於闕廷恩來彩鳳台

垣真卽臆頌良殿卑職濫竽鹽瀆瞬經三月毫無寸
建比來督鋤蝻子清釐積牘以及保甲冬防各事以
次舉辦幸屬境掬安足以仰副 慈厘蒙 諭寄大
岡鎮王宅一緘已專差遞送矣肅此稟覆虔請鈞安
伏希垂鑒卑職謹稟

敬再稟者 卑職去歲蒙 臬憲委辦武進縣保甲現
已及瓜此差薪資每月二十串僅堪敷衍萬難積餘
一經置閒卽糶乏食况卑職昔曾債台高築借貸尤

屬無門昨得 大人總理釐務之喜雀躍萬分因思
○憲恩高厚垂憐屬員無微不至用敢不揣冒昧陳
情瀆懇伏乞俯念桑梓曲予栽培可否於釐務中賞
委一差俾卑職棲托有所藉資餬口則感泐 鴻慈
豈有既極肅此附懇再請勛安卑職謹又稟
音郵久濶年矢旋催企 鈴閣之遙違望金陵而上
頌恭維 仁兄年大人履端篤慶泰始延釐觀察名
高豸繡壯輜軒之色運籌績懋 鸞綸渥醴醑之頌

引領光儀如心忤頌第荃衡謬掌荆楚羈身臘鼓鼙
鼙載詠駘征之什心旌渺渺遙伸燕賀之私端函敬
頌年祺祇請勛安諸惟台照百備

太守老伯大人閣下叩送蜺旌時懷鵠侍邇者恭諗
前籌借箸移節海門仰推政之宏仁忱輸悅服卜
楓宸之錫祐寵渥真除引睇黃堂傾心丹祝姪秣林
株守蔗境毫無前蒙綺章兄轉懇栽培業承
恩准祇候大駕榮發即當迅速啟行親叩台階恭

聆訓誨第愧駕駘未質願鞭策以先供俾邀雨露生
成庶涓埃之早效是則私忱之所禱切耳合肅蕪稟
恭叩蕃禧虔請崇安伏維慈鑒小姪謹稟

敬肅者竊瑗托依仁宇荏苒三年睽隔鈞顏倏經
數月茲聞喜遷峻秩榮膺優差逖聽之餘歡忤何及
恭維太尊大人名高柱石望重鼎台宏轉運於
天庾萬井仰持籌之績肅師於玉帳三軍懷挾纊之
恩惟勛猷上契夫主知斯倚畀必隆於帝簡指

日升階臨風豫頌瑗猥以菲村濫勦酷政仰荷垂青
逾格禮遇優加且值移任事冗又蒙懇勲轉薦稠情
摯誼感何可言茲當鶯遷之喜理宜逕赴台垣恭
親叩賀無如攸羈權務莫遂摳趨雖阻息飛之願彌
殷燕賀之忱容俟未歲春初定當晉叩侍祺長依玉
樹之榮重沐廣廈之庇想捲簾老人諒不得以長
揖見拒也肅此恭叩大喜祇請鈞安晚生頓首
敬稟者竊卑職叨沐鴻慈時深鰲戴覩豸衣之煥采

恰蟾鏡之揚華恭維大人百福繁禧三秋介祉謨
陳金鑑樹儀式於南京胸印冰壺迺恩綸於北關
斗垣在望鼓舞彌殷卑職嘉序欣逢莫遂趨蹌之願
蕪丹先進敬申嚮往之私肅修寸稟虔叩節禧恭請
福安伏乞垂鑒卑職謹稟
敬再稟者卑職於六月初壹日起程至二十八日行
抵汴省茲因該官犯楊霽霖在途感受暑濕病患痢
疾時作腹痛兼之肝症復發業經卑職面稟開封府

僕守撥醫調治在案卑職恐稽時日回省請安不
得不據實具稟肅此寸丹再叩福安伏乞矜鑒卑職
謹稟

夙托葭莩瞻韓未遂雲天遙企馳溯良深昨日忻聞
績底東南威宣中外建鴻猷於帷幄萬里澄清
著駿烈於旂常九重眷注行將星輶北上喜動天顏
定邀露綉下頒升階日晉祥暉在望頌露傾心弟困
守家園毫無善狀年未甯中市面大為減色布業難

圖前承函招今擬即行就道其時家務蠅集未遂遠
遊故爾欲行且止所望行旌過吳時便道金陵藉圖
把晤以申渴悰是為幸甚請敬台安諸照不宣
別未忽忽迄今三載旦暮之殷如切追風耳伏維
文祺晉祜著業延釐引睇鴻猷曷深汴頌弟掃門有
願聽教無方坐困愁城毫無寸善但臨別贈言至今
敢莫能忘私心切禱未免有惠深情弟每自恥無功
何敢戶位加餐諒兄台斷不使一物無歸携桃之

木足備方椽再上者操其權再下者聽其用前投宇
下逾有數月區區之心早在洞察或座下有委辦之
事堪以下委以便朝夕恭聆雅教倘鷦鷯能枝足矣
切回思吾兄之德斷不惜堦前盈尺之地定能舒
弟之愿也若果則鄙荆銘五中即家母已感佩之至
矣茲者姑蘓之女住舍下家母祖知大略稍可瞻視
耳但吾兄或委差官或親身未甯均皆候覆**祈**速示
知一切用度均有清單細帳隨後呈上耳

賢甥知之數年不通音問抱歎良深為恨關山阻隔
萬里迢遙縱欲囑筆陳情又難覓便所以骨肉至親
竟同陌路思念之情不禁淚下切憶_二大舅舅中年早
逝你母相斷繼仙遊此時吾姪尚幼兩表弟亦在提
携予祇得守貧耐苦撫養幼兒迄今十餘年末皆靠
針頭過活幸耐賴皇天垂佑兩表弟稍有成人皆就
生理刻下薪水若幾看未可成實如能生意成工亦
不過一粥一飯而已昨裁正裁箋忽見李總命送來

吾甥手札瞻讀之下欣悉 尊老大人玉體康寧閤
譚迪吉為頌為慰更羨吾姪鴻猷大展萬里鵬程青
年如此俊明前程豈可限量哉并接紋銀壹百兩整
兩表弟功書之廢愧領之餘感激無既令其大表弟
偕同李總爺赴省應當隨同就道但大表弟年輕孟
浪殊事未暗是以勒令苦守市面方知為艱承賢甥
如此栽培尚有提拔兩表弟之心豈蒙 恩德甚深
將來何以圖報即尔二舅在九泉感戴無涯矣

賢甥知之去歲李總爺未接到書并承令尊大人垂
青格外加惠西江又欲栽培表弟等如此厚意諄諄
足見高門德善遠不忘故舊之誼實令人刻骨銘心啣
環圖報無涯本欲即着表弟隨同李總爺前未與姑
父請安奈年紀太輕不敢放手惟望姑父移節江南
或賢甥進京經道此地那時即可重用前約去年李
總爺到營忽忽經年所託辦人一事曾經三舅舅四
處尋訪說合兩處人家均係清白品格淑却端方恣

色甚好言明身價總要四五百金故春間曾由馬遞号
一信未知可曾收到盼望回音才好作主迄今未見
復信前途追問甚殷合家計議若竟作罷論惟恐拂
吾甥之意若使表弟前來則路途遙遠甚不放心思
之再三正值三舅舅閑居在家原意欲來看賢甥兼
可商量此事本想帶表弟來一則川資太多二則想
于明年辦喜事那時可以多來幾年故現在使三舅
舅未權耳立住脚隨後即可以叫三舅舅未帶表弟

路上又可有人照應即作事又可有人指教此事這纔
萬全他日叔姪甥舅一處豈不甚美聞得目下王公
公與舅舅俱在欽洲同住照應將來若我們也在一
處那纔真正萬幸雖婆婆與你母不在世亦瞑目矣
現在三舅舅未望你尊大人前極力周旋安排一
事不論錢多錢少實可與你母爭口氣即在舅舅面
上亦好看望賢甥念上人情分上周全一点明年表
弟娶親亦要望祈接濟非是貪得無厭實在寒苦為

難耳祇有上祝蒼天為願賢甥等公候萬代聊冀報
達今有王媽女兒再三哀求請三^舅哀舅帶代他前來
他云王媽有信叫他去的此事光景不錯看他老實
之至在南京常時照應可憐被人欺負故不得已帶
他來也亦祈照獲家中大小平安一切艱難筆不能
述祇問三舅舅便知紙短言長不盡所叙特此告求
并請

吉覽瞻韓未遂祇因道阻且長良用歎然茲啟者癸
酉夏秋之間李弁賣摺進京之便囑令繞道金陵並
承厚贈至今感莫能忘無以圖報深為汗顏惟是舍
間景况非同治初年可比自尔大伯見背一貧如洗
入不敷給兩棣尚幼飢寒誰問者無不傷心痛切慘
乎二十年来備嘗艱苦終日以淚圖面泣思昔年若
非尊老大人賞給卹銀兩棣賴此撫養成人安得
有今日宗支香烟誰接恩難酬報二伯又無子女膝
前悽卑更囑苦境將來依靠亦望兩棣此皆尊老

大人恩德並濟萬里前程豈可限量哉茲蒙函招表
棣本擬令其偕同李弁赴粵稍効臂力而圖上進尤
恐年輕不諳世務眼界一開忘却本來面目是以勒
令苦守幾載方知世面艱難不致揮金如土棄之年
未甯中市面清極不但司事難圖即各行大概皆然
如是昨因你弟店中事事減色每年通盤畫算大虧
其本今歲店事欲將閉歇之勢表弟生意為之他圖
終日閑居在舍愁夢莫解無可為生之計加以親事
定而未婚亦屬無力屢在我前三番五次急欲投轉
机圖善進予思之路遠山遙如何使表弟孤單前行
予大不放心躊躇再三祇有你表姐夫金小俞人極
老成可靠路上稍可放心加之賢甥前年托辦妾一
事四處尋覓及合意三家又無通之人即金小俞尚
可委任不至有負所托也似此情形未便阻止只
好准其趨詣台端藉圖把晤以申積悃惟表弟初次
出門仍是家鄉本色倘蒙推情錄用一切重大疑難

事件恐不勝任尚祈量才器使並乞隨時指示俾有
遵循不獨我等銘叩盛情即先人歿于泉下同深感
激不盡也肅泐數行奉達順請

仁世兄大人閣下正思芝采忻誦蘭函就諗侍福康
娛履祺覽豫頌慰無量弟別後於前月望日抵邗十七
日接印視事此間地當孔道酬應已極紛煩柰處飛
蝗捕撲尤非易事現復遺有蝻子日逐赴鄉搜挖更
覺忙碌異常諒系遠塵用特布及至囑致綺章之

函刻經繕就寄奉即希收轉交並求諄囑實在臣
兄從此益加謹謹慎慎以期日起有功屬在世交敢為
直告手此奉復敬請侍安順頌禮綏不備

仁兄大人閣下頃讀琅函恍親雅範承蒙惠寄朱提
二百金已遵示分交感泐寸衷難宣尺素敬維侍祉
延釐鼎祺篤祐資韜畧以宣猷緯與經文并著帝
眷與民望俱深翹首麟圖傾心鶴忭弟家鄉株守乏
善可陳幸自家慈以次均在平安堪慰塵注耳茲

有懇者弟有至友監生田釗久遊宦幕意欲出仕無
如家貧親老無力納資與弟為心腹之交不啻同胞
手足敢求愛屋及烏是以不揣冒昧懇祈 仁兄大
人於 貴營請獎案中奏保一階俾得受一命之榮
不特田君感德靡已弟亦如同身受也而田君必有
所以報弟而弟如同受兄之賜也倘若一時無此機
遇即求先給五品外獎遇有請獎之案務祈鼎力培
植玉成其事希勿見却是所切禱專此布懇敬鳴謝

悃虔請升安伏維愛照不宣附呈田君履歷一紙祈
鑒收

仁兄大人閣下睽違雅範爐箠頻更仰企芝暉時殷
葭溯辰維文祉吉祥履祺安夔為慰弟粟碌如恒愧
無善述惟近季生意清淡用度浩繁頗難支持朝夕
焦灼其術籌措因思丙戌季吾兄在都時因川資拮
据囑弟代為通挪五拾金維時弟亦處於窘境因知
已之託不得不竭力報命是以借諸親友加其子息

以應 吾兄之急需當時 吾兄言明祇以三個月
為期定行賜還嗣後 台駕南旋弟處屢脩蕪函交
舍親李歧泉寄呈未蒙賜復迄今已歷七年之久本
利未見分文片函隻字亦無是何故耳殊為不解抑
因在都弟處簡慢而見罪耶抑 尊處事兄忘却耶
想吾兄前程遠大片言鼎重諒不至為此五拾金區
區之歎而起昧良之心作禽獸之行也是特函奉懇
務祈 吾兄無論如何將此五拾金賜還即交舍親
陳幼賓處現在金陵洋務局曾觀察處瞬即回都務
祈 吾兄回憶當日之狀救弟目前之急則感荷無
既矣專此即請文安率言唐突幸為鑒原不備

敬書生靈之膏命此如北密當垂萬世皆也良表女
娘知悉此專以入頌到百學晉出三公猶國客之
前月全懸管未對即 手錄再卷以惠西工和彩燈
香朝平身

寄陳子良

前月李總管未接得手翰再蒙加惠西江殊深感
激欣悉 尊大人勛隆百粵晉位三公誠國家之屏
藩實生靈之寄命此功此德當垂萬世者也更羨
吾甥青雲直上正為萬里鵬程雖祖德父功亦係非
常英俊他日道傍瞻望惟欲鞭長可及則願足矣愚
十年故我塵線依人自慚竟無惟馬齒稍增幾歲歷

年雖有薄俸數千內顧家而外酬世不圖無餘轉多
虧空此中情形實李總管之所目覩然前既蒙惠錫
則愚又何敢作無厭之請也前託覓買一妾此事頗
不易辦 吾甥云顏色美麗家底清白頃有宜男相
者此却有二說焉若直家底清白才貌超群則此女
之父母摠難遽爾割棄故必要撤去賣女之名願作
二房或有願賣者俱怕底細不實性格未識何如此
即要成須得着人未看隨買隨走現今談有數處城

中某姓之女年十七人品富貴家底清白近來以寒
徹骨貧因口計甚難父母俱在姊妹五人此女乃第
四長姊等均已出閣乃係絲絲綸業伊父昔年亦做
緞業其中細情及才貌已經大舅母與愚親眼看過
再言明身價若干此事在吾甥才度是否望復一
圖或者即着人來取為禱今特飛寄寸楮并附上八
字一帛即問 勛祉

寄清甫軒

曾舟回來接到環雲藉悉一是咸知 禪祉延釐起
居介意為頌為欣敬啟者弟于上巳日買棹未南因
接小女歸甯實係兒女情長英雄不免滿擬踵府暢
叙一切頓携甥女一走前以家慈叮囑因正當迨謂
之年倘問字有人南北睽違不無耽誤兼之舍下諸
務蝟集未便羈留行色每每片言代面舍下自家慈
以次均賴粗安知勞注念用以奉聞此後如果偷閑
請過我一叙為禱此草

寄沈丹亭

仁兄大人布德攸攸吉人鬻鬻奉迎版輿早遂烏哺
之私退隱桑榆聚高天倫之樂擬山龜熟庾嶺梅新
欣逢 老太太介壽良辰生申令旦麻姑獻觥盈集
蓬島之仙王母降臨共赴瑤池之會况值時調玉燭
正照寶婺而增輝際茲城屆元宵更羨璇閨之設悅
翹詹鴻禧昌馨鳧私弟碌碌風塵勞勞道路遠書益
壽之詞并錄延年之篆肅此虔稟

寄吳青山

筵開瓊閣菲芬瀛島之賓酒進黃扉祿慶華堂之鬻
茲以重陽佳節欣逢 青山仁兄大人鐘鼎飛聲珩
璜協德日月宮羨千秋之不老喬松并峙欣双壽之
長齊正值菊蕊堆金樽獻南山之彩又屆芙蓉砌景
燭揚寶婺之輝翹企三多奚如九頌弟裁雲紀瑞向
日騰歡遙隔一江咸悉盈門仙履謹書尺素聊呈不
忝微儀敬肅

緬違喬采時系葵傾際茲蒲艾流芳延釐夏千更喜
香雲繚繞凝靄絲羅恭維玉亭仁兄大人閣下七
夕良辰千春吉日新婚宴爾几如劉阮之逢合卺情
殷定慰荆韓之慕此日鴛鴦初度禧集蘭房他年梁
孟齊眉香傳桂子欣詹紫宇曷既丹忱弟跡阻鳧超
對雲天而空搖班管心從鯉訊憑筆墨而寄魚書

寄黃玉堂

緬違佛度渴慕英姿屈指韶光正庾嶺梅并之候殷
心戴日欣相華堂結綵之時敬維玉堂仁兄大人
瑞集千祥慶激百福際茲良辰吉日欣屆今大少君
偕鳳佳期洞燭揚輝喜蘭房奏闕睢之曲鴛鴦漏美
兆錦悵騰桂子之芬翹企鴻猷允孚遐頌飛觴有願
難隨鷺序之班釋涸無方謹譜螽斯之語肅此

寄徐中達

仁兄大人閣下敬維福履呈祥勛祉集吉引企佛儀
曷深藻頌弟宇拙無能懸絕自愧惟寒舍清平足堪

告慰錦系耳前蒙惠愛飽飫邨厨迄今異味嘉琛尤
存五內此情此德何日能忘茲有懇者小兒之墓久
寄貴邦向蒙惠閣下不棄情殷時常照料俾小兒雖
在九泉亦當結草弟俟有機到緣龍之時再為面謝
肅此

寄李岐山

仁兄大人足下頃接瑤章如親佛度蒙惠番餅式枚
本不敢領徐思却之不恭受之增愧祇得暫為拜領
異日再補情也欣聞足下護一麟兒誠為喜賀足見
積善之家必有餘慶此天之所以報施善人豈無道
我弟雖不得登公之堂願書長庚之錄弟寒舍粗安
知勞錦註肅此草復敬請

寄胡建揚

覽賢宅相如面疊接華章備聆種切欣悉閣第延釐鼎
躬衍慶更賀蘭室懸弧香傳桂子此日金錢初擲他
年鳳閣標名翹企青雲無涯丹鄙者老劍無鋼点

金之術五中慚交莫可言矣今寄番餅壹枚用作伴
函之伴何敢云禮哂納為幸追憶去歲未函實採
薪期之數月始能復原又驪歌崇上欲奉草復曾恐
遠途莫達今由某兄之便特奉數行聊申哀曲徐思
犬馬齒索自分無為故欲明春使小兒袒衣左袵聽
佛傳經未識雅意如何是非悉憑裁度倘能衣鉢相
傳則感激盛情愈乎天地

竊憶人生如夢世事如棋夫妻之間博果前生冤孽
有何趣哉况命之修短各有所期亦非苟能免雖強
然古人云生死亦大矣豈不痛哉兒女之情英雄不
免雖如是不可不解古人之意每覽興感之由未嘗
不參透塵寰深入佛海雖處得失之間皆如雪淡兒
思之至再將此事以付之江上清風山間明月惟祈
大人善保玉体体贴下懷使兒無內顧之憂母親亦
可免懸子之意則母子皆安庶幾重振莫謂不幸而
尤幸也

自拜登舟抵省五中交戚莫可言宣徐思命薄如蠶
遭家多故皆由姪寡仁寡德以致禍及妻孥雖有佳
偶良緣不克終年之美轉輾復之禁不淚下嗟乎月
老無能鴛鴦錯定此中委曲實予之遺憾有負令媛
非彼之遺憾於我愛戴之深

期之來世雖今頓反塵寰諒在天之靈亦無遺恨惟
祈大人順時自玉免強加琛推念半子之情勿作
鄉愚之態則感激盛恩如同再造

答李小亭

睽違雅範慕蘭殊深正欲修書上達忽見錦字下
頡頏頌再三備領壺是欣悉起居住佳暢諸務順然
引領床風奚如戴日弟守拙無能懸匏自愧惟是閭
室平安祇以堪慰錦注來信所議一節承念不棄情
殷俯肯下交奈小女粗俗不堪何足以待今即公巾
櫛然足下雅意諳諳豈可有方台命况彼此攸
闕至戚又復秦晉之美誠為幸甚本欲隨發紅庫無

如弟事多蝟集未便即行俟兄榮旋之日面訂可也
先奉草復以釋遠懷賤荆在府遭擾卹厨緣筆謝謝
到陳稚青

別後駒光如駛轉眼已七八年矣恭稔勛祺集懋
鼎祉延釐德政施仁自必早邀天寵任勞協德允符
企重上游瞻望餘光已非一日弟愁城坐困恨無片
善之榮彈缺長鳴未遂一枝之寄每思依劉待嫁無
如李子囊空交戰五中殊深浩嘆伏維閣下素行

古道以真教人決不使范叔終貧故特修字前未望
兄濟我之急代為吹薦得能機緣湊合沒齒難忘立
盼佳音將束裝已待

寄吳安寧

陵

月之初六日舍親某君反接見之餘詢及在杭諸公
多有盛衰散聚如晨星之應天或明或暗洪瑞翁遠
跡潯江某君賦閒桂館如閣下者有几人哉夫人
操有為之權必有非常之遇隆隆驟遷上游企重此

所謂天之報施善人斷無一毫不爽翹望心旌今時
方釋弟自己卯扶家兄柩歸里安塋祖塋數年未愁
城坐困如喪家之犬隔世之人不見天日而為市井
所据不得再展眉目復覩君子之顏乎先之家兄在
杭猶有持而不恐故得游閱湖山以開眼界感感天
涯無一知音者到楫見閣下便使欽心低首敬聆
數月如在春風賜我手冊惠我文章教誨殷勤有同
骨肉弟非牛馬豈敢無知得有寸進之機定圖啣環
之報無如命不逢辰事多乖舛雖有片席之謀久而
未遂然如弟之羽毛未豐豈敢仰頭高望博果求有
一枝以為棲身之地足矣伏維閣下素行古道以
直教人決不使范叔終貧無門托鉢祈為加意留心
德音常惠則感深矣

昨閱某君之詩扇如親夫子之鴻儀三復其書令人
玩之不捨足見夫子妙手學究天人俗人欲祈墨寶
琛藏以耀後世未識夫子肯俯允否今特寄上扇面

[Faint, illegible text on the left page, possibly bleed-through from the reverse side.]

[Faint, illegible text on the right page, possibly bleed-through from the reverse side.]

